



BOSNIA AND HERZEGOVINA  
Ministry of Human Rights and Refugees

Broj: JN-01-16-4-28-8/24  
Datum: 08. 07. 2024.

Ministar za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09), člana 69. stav (1) tačka b) i stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“, broj 39/14 i 59/22), na Preporuku Komisije za nabavke, broj: JN-01-16-4-28-6/24 od 02.07.2024. godine, u postupku usluga najma kopir aparata i multifunkcionalnih uređaja:

**ODLUKU**  
**o poništenju postupka nabavke usluga najma kopir aparata i multifunkcionalnih uređaja**

**Član 1.**

Poništava se postupak nabavke usluga najma kopir aparata i multifunkcionalnih uređaja iz razloga što dostavljena ponuda nije prihvatljiva.

**Član 2.**

Ova odluka će se objaviti na web stranici Ministarstva za ljudska prava i izbjeglice BiH (www.mhrr.gov.ba), istovremeno sa upućivanjem ponuđaču koji je sudjelovao u postupku javne nabavke, a u skladu sa članom 70. stav (6) Zakona o javnim nabavkama.

**Član 3.**

Ova Odluka stupa na snagu danom donošenja.

**O b r a z l o ž e n j e**

Postupak javne nabavke pokrenut je Odlukom o pokretanju postupka nabavke usluga najma kopir aparata i multifunkcionalnih uređaja broj: JN-01-16-4-28-1/24 od 12.06.2024. godine. Javna nabavka je provedena putem konkurentskog zatjeva. Procijenjena vrijednost javne nabavke iznosila je 11.111,11 KM bez PDV-a, odnosno 13.000,00 KM sa PDV-om. Obavještenje o nabavci broj: 679-7-2-27-3-37/24 od 12.06.2024. godine je objavljeno na Portalu javnih nabavki. Tenderska dokumentacija broj: JN-01-16-4-28-2/24 od 12.06.2024. godine. Komisija za nabavke je imenovana Odlukom o imenovanju broj: 01-16-4-201-1/24 od 24.01.2024. godine i Odluke o izmjeni Odluke o imenovanju Komisije za nabavke broj: 01-16-4-201-2/24 od 05.02.2024. godine.

Komisija za nabavke dostavila je ugovornom organu, ministru za ljudska prava i izbjeglice BiH, Zapisnik o pregledu i ocjeni ponuda broj: JN-01-16-4-28-5/24 od 02.07.2024. godine, Preporuku o poništenju postupka nabavke usluga najma kopir aparata i multifunkcionalnih uređaja broj: JN-01-16-4-28-6/24 od 02.07.2024. godine i Izvještaj o radu broj: JN-01-16-4-28-7/24 od 02.07.2024. godine, u postupku nabavke usluga najma kopir aparata i multifunkcionalnih uređaja.

U postupku po Izvještaju o radu utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku zaprimljena jedna (1) ponuda;
- da je blagovremeno zaprimljena jedna (1) ponuda;
- da nije bilo neblagovremeno primljenih ponuda.

Komisija je uvidom u ponudu ponuđača ALF-OM d.o.o. Banja Luka jednoglasno konstatovala da nije dostavljen sertifikat servisera za uređaj pod rednim brojem 3. u Obrascu za cijenu ponude – usluge (Aneks 2), a koji se odnosi

na skener marke Fujitsu. Naime, ponuđač ALF-OM d.o.o. Banja Luka je dostavio ukupno tri sertifikata, a svi se odnose na servisiranje uređaja marke Toshiba (Toshiba sertifikat).

U tenderskoj dokumentaciji pod točkom 3. Tehnička i profesionalna sposobnost – član 50. Zakona, pod b), definirano je sljedeće:

*Ponuđač mora imati obrazovne i profesionalne kvalifikacije osoblja angažovanog za navedene usluge, odnosno mora imati minimalno tri (3) sertifikovana servisera za uređaje koji su predmet ponude.*

*Dokazi koji se zahtijevaju:*

- *spisak zaposlenih ili angažovanih radnika (ime i prezime) ovjeren od strane poslodavca ili kopiju ugovora o djelu, za radnike koji posjeduju sertifikate o serviserskoj obuci za uređaje koji su predmet ponude.*
- *kopije dokumenta o tehničkoj osposobljenosti lica u vidu uvjerenje/sertifikata za svakog od minimalno navedenih 3 servisera - o završenoj serviserskoj obuci, koji će biti angažovani za ovaj ugovor (ponuđač je dužan dostaviti sertifikate na jednom od službenih jezika u BiH, uz obavezan prevod ovlaštenog sudskog prevodioca, ako je originalni dokument na stranom jeziku).*

S obzirom da je ponuđač ALF-OM d.o.o. Banja Luka ponudio skener marke Fujitsu, a dostavljen sertifikat servisera za Toshiba uređaje, komisija je jednoglasno konstatovala da je ponuda ponuđača ALF-OM d.o.o. Banja Luka nepravilna i ista se isključuje zbog neispunjavanja uslova za kvalifikaciju, u skladu sa članom 68. stav (4), tačke i) Zakona o javnim nabavkama.

Na temelju navedenog, poništava se postupak nabavke usluga najma kopir aparata i multifunkcionalnih uređaja u skladu sa članom 69. stav (1) tačka b) i stav (2) tačka d) Zakona o javnim nabavkama.

U postupku ocjene provedenog postupka ministar za ljudska prava i izbjeglice BiH nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija za nabavke u svemu pravilno postupila, te da je poništenje postupka javne nabavke izvršeno u skladu sa Zakonom o javnim nabavkama, podzakonskim aktima i tenderskom dokumentacijom.

#### **POUKA O PRAVNOM LIJEKU:**

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.



Dostaviti:

- Ponuđaču,
- Sektoru za opšte, pravne i finansijsko-materijalne poslove,
- a/a.